

Adres REDACTIE VOORLOOPIG Karangsari 11a Semarang.

Adres ADMINISTRATIE Sajangan 15, Semarang.

Officieël Orgaan diterbitken saben boelan oleh:
CENTRAAL HUA CHIAO TSING NIËN HUI, SEMARANG.

De inhoud is buiten verantwoording van de Drukkerij.

Toelisan² dan perobahan² text advertentie harep ditrimaken sabelonnja tanggal 5 tiap-tiap boelan.

Harga abonnement boeat orang loear satoe taon f 2.—

Tarief Advertentie boleh berdami dengen Afdeeling Advertentie p/a Liemboenweg No. 16, Semarang.

SEPOETER T. N. H.

Artinja Symbool dan Motto dari Hua Chiao Tsing Niën Hui.

Oleh: Tan Giok Tjhwan, Soerabaia.

Boeat dapet taoe artinja kita poenja Motto: "Spectemur Agendo" dan



roepaken kita poenja Badge (Insigne), dan jang terpake oleh sekalian leden dari Hua Chiao Tsing Niën Hui di seloeroe Indonesia, kita haroes oesoet dari poetoesannja bebrapa Conferenties dan Centraal Bestuursvergaderingen, soepaja dapetken satoe artian djelas jang serbah officieel.

Sebagi anggota dari Hua Chiao Tsing Niën Hui kita ada mempoenjai itoe kewadjiban boeat haroes taoe dan paham betoel artinja dari kita poenja Motto dan Symbool kita sendiri, jang ada dipake sekarang oleh antero H.C.T.N.H jang soeda hoeboengken diri pada Centraal Hua Chiao Tsing Niën Hui, sebab dengen mengetahoein itoe artian jang betoel membikin kita mendjadi mengerti dan insjaf betoel azas dari kita poenja Perkoempoe-lan H. C. T. N. H. Pengatahoean jang mana boekan sadja perloe, tapi djoega ada mendjadi kewadjiban kita sebagi anggota rata-rata moesti taoe dan paham betoel itoe azas dari Perkoempoelan jang kita masoek dan menjinta.

Riwajatnja: Bermoela kita poenja Sectie H. C. T. N. H., Soekaboemi soeda insjaf lebih doeloe kapentingannja Perkoempoelan kita mempoenjai satoe Badge jang menggenggem antero azas kita didalem satoe symbool, dan djoestroe bakal adanja Conferentie ka 2 di Batavia pada 19 - 20 April 1930, ini soeal Badge telah dimadjoeken oleh Soekaboemi sebagi salah satoe agenda punt, tapi sajang sekali Conferentie moesti tolak ini voorstel, kerna wakil Soekaboemi sendiri itoe waktoe telah terhalang tida bisa dateng koendjoengin itoe Conferentie terseboet, maka maksoednja jang betoel Conferentie tida bisa dapet taoe, sebab tida ada orang jang belaken itoe agenda punt.

Dalem kita poenja Conferentie ka 3 di Semarang pada 27 December 1930. Secties Soekaboemi, Koedoes, Bandoeng dan Soerabaia kombali voorstelken poelah ini soeal Badge, jang dengen soeara boelet Conferentie telah setoedjoe adaken satoe Badge jang meroepaken satoe symbool dengen azasnja H. C. T. N. H. didalemnja Chung Hui di Batavia kemoedian siarken circulaire boeat minta bantoeannja antero Secties soepaja anggotanja nanti soeka kirim bebrapa gambar dari itoe symbool jang dimaksoedken oentoek gampangken Chung Hui nanti pilih jang paling baek, dan kemoedian aken di oemoemken dalem kita poenja Centraal or-

Dalem itoe Conferentie ka 3 djoega telah ditetepken salinan dalem bahasa Inggris dari Hua Chiao Tsing Niën Hui jalah: "The Oversea Young Chinese Association," soepaja menggampangken dan bisa diketahoein kapan kita bikin perhoeboengan di loear Indonesia.

Tida sedikit djoemblanja Secties kita jang soeda perloeken kirim matjem² gambar symbool menoeroet Chung Hui poenja permintahan dalem itoe circulaire tadi, dan ini djoega boekan satoe pakerdjahan jang begitoe gampang boeat Bestuur Chung Hui lantas bisa pilih. Achirnja menoeroet poetoesannja Centraal Bestuursvergadering tanggal 16 Augustus 1931 Chung Hui telah pilih djoega gambarnja Sdr. Ong Kian Bie dari Sectie Malang, jang meroepaken precies adanja symbool kita sekarang ini, ketjwali itoe tangan ada memegang pakoe besar boekannja obor, jang mana blakang kali telah dirobah mendjadi obor dengen apinja menjalah menoeroet poetoesan dari satoe badan Commissie jang kita aken terangken dibawah ini.

Sahsoedanja itoe symbool diterima baek, kemoedian telah disiarken dan dibikinken Badge jang terpake oleh ampir semoeanja anggota dari H. C. T. N. H. Cliché poen ada dibikinken, boekan sadja boeat perhiasan dalem orgaan kita, kertas toelis dan segala pertjitahan, tapi djoega boeat siarken sebagi propaganda dari Perkoempoelan kita, agar gampang dan lekas dikenal.

Ampir deket tempo doea taon symbool kita telah tersebiar, tapi kira-kira deket penoetoepnja taon 1932 dalem kita poenja Centraal Orgaan telah moentjoel satoe toelisan jang ditoelis oleh salah satoe anggota kita sendiri di Soerabaia jang tjela bahoea kita poenja symbool sekarang dengen mengoendjoeken satoe tangan memegang pakoe ada tida symbolisch, dan dari itoe si penoelis telah andjoerin Chung Hui jang itoe waktoe berkedoedoekan di Soerabaia boeat bikin perobahan bagimana djadi baeknja dan jang djadi lebih soeroep.

Itoe toelisan ada membawa effect djoega, maskipoen soeda ampir doea taon itoe symbool lama soeda terpake oleh antero Secties kita. Menginget ini kapentingan, maka Chung Hui di Soerabaia telah merasa perloe boeat madjoeken ini soeal merobah symbool kita sebagi salah satoe agenda punt dalem conferentie ka 6 pada 14 April 1933, dan poetoesannja jalah seraken Chung Hui angkat satoe Badan Commissie boeat itoe maksoed jang pendapetannja nanti aken teranggep sah

Sehabisnja itoe Conferentie dengen berhasil Chung Hui telah bisa angkat satoe Badan Commissie terseboet jang terdiri dari Sdr.2 Tjia Tjiep Ling, So Chuan Hong dan Tjan Khing Sing semoeanja di Soerabaia dengen dibantoe oleh Toean Kwee Tek Hoay, Batavia, sebagi Adviseur. Chung Hui poen lebih doeloe soeda mengasiken satoe keterangan jang lengkep dan djelas maksoednja symbool pertama menoeroet keterangan dari Sdr. Ong Kian Bie sendiri dan djoega azasnja H.C.T.N.H., soepaja menggampangken marika poenja kejakinan dalem ini hal, dan ini ada satoe kewadjiban jang tida enteng bagi marika Chung Hui poen tida ketjiwa dapetken marika poenja bantoean jang berharqa tadi, sebab marika ada achli symbologie, dan dari djasa marika jang symbol kita sekarang ini telah dirobah mendjadi lebih sampoerna dan lebih menjotjokin dengen azas kita.

Artinja Symbool dari kita poenja Badge Sekarang: Kira-kira dalem tempo doea boelan itoe Badan Commissie terseboet soeda ambil marika poenja poetoesan dengen tjoema merobah itoe pakoe besar didjadiken obor dengen apinja menjala di atasnja, jang mana ada djitoe sekali. Ini poetoesan dari ini Badan Commissie telah diterima baek oleh Chung Hui dalem marika poenja Centraal Bestuursvergadering tanggal 27 Juni 1933, dan sekalian ini hal di oemoemken dalem Centraal Orgaan Juli 1933 Vol. IV No. 4 jang ada moewat keterangan artinja ringkes dari itoe symbool sebagi berikoet:

Artinja garisan tiga pesagi:

1. Garisan bagian atas artinja Intellectual Development (Pendidikan dalem Pengetahoean jalah Onderwijs).

2. Garisan bagian samping kiri artinja Physical Development (Pendidikan dalem Prikesehatan jalah Sport).

3. Garisan bagian samping kanan artinja Character Development (Pendidikan dalem Batin).

4. Artinja Blok malang tengah jalah Sociaal.


5. Artinja warna kleur poetih jalah kesoetjian; dasar biroe langit jalah warna dari Pengatahoean; dan merah jalah kekoeatan (energie) dan soemanget. Api dari obor ada tjampoeran koening sama merah jang artinja ketjintahan dan soemanget. Ini warna-warna di ambil dari occult standpunt.

Begitoelah artinja dengen ringkes itoe Badan Commissie soeda mengasi marika poenja rapport tentang itoe perobahan pakoe djadi obor dengen sekalian mengasi marika poenja artian jang singkat dari itoe symbool sahsoedanja terobah.

Soepaja gampang dimengerti oleh segala pembatja, kita perloe analyseer poelah satoe per satoe adanja itoe symbool agar djadi lebih djelas lagi. Lebih doeloe kita moelai dari itoe

Tiga pesagi (drie hoek) terbalik: Jang ada symboolnja pamoeda dan pendidikan:

symbool poenja



Tida bisa di sangkal poelah bahoea segala pamoeda ada perloe dapetken pendidikan, dan itoe garisan atas pertama dengen tanda "a" di atas ada membawah artian boeat oetamaken pendidikan Pengetahoean (Onderwijs), jang mana ada sanget perloe sekali boeat satoe gegaman hidoep bagi segala orang moedah goena penghidoepannja.

Onderwijs sadja masih belon tjoekoep boeat hidoep, tapi djoega perloe ia koedoe mempoenjai kasehatan dari Sport sebagi gegaman kadoea jang sengadja telah di roepaken dengen tanda "b" dari itoe symbool di atas, jang mengandoeng itoe artian.

Mempoenjai itoe doea gegaman hidoep jalah Onderwijs dan kesehatan dari Sport bisa bikin satoe pamoeda hidoep dalem pergoeletan doenia oentoek penghidoepannja, tapi begitoe djoega masih belon bisa djadi sampoerna betoel dengen zonder mempoenjai Karakter jalah Prikelakoean, maka di sini di artiken dengen adanja itoe garisan samping kanan jang di kasi tanda "c".

Onderwijs jang kita poenja oetek telah dapetken membikin kita djadi tjerdik dan pinter jang mana bikin penghidoepan kita djadi lebih baek dari pada orang jang tida dapetken pendidikan onderwijs sama sekali. Kita poenja penghidoepan aken djadi tida bisa senang kapan badan kita selaloe berpenjakitan, dan dari boeahnja Sport jang bisa mempiara toeboe kita djadi selaloe tersimpen mendjadi sehat dan goembirah. Pendidikan Batin jang kita poenja senoebari haroes dapetken ada perloe boeat bikin kita poenja soemanget djadi tegoe, agar bisa bedaken kabeneran dan kepalsoean.

Itoe tiga matjem pendidikan ada sanget perloe sekali bagi semoea pamoeda goena marika poenja penghidoepan dalem doenia, dan marikamoesti djalan berendeng sama-sama dalem manoesia poenja penoentoetan dan pergoeletan hidoep. Satoe peroepamahan boleh di ambil bahoea satoe pamoeda biarpoen bagimana tjerdik dan pinter dan digandjar poelah gagah perkasa dari boeahnja Onderwijs dan Sport, kadoeanja sifat mana jang paling oetama lebih doeloe sanget diper-hatiken oleh segala manoesia, tapi kasananja ia tida mempoenjai Batin baek, tentoe tida lama ia aken roeboeh dan mendjadi tida berharga bagi Siahwee kita. Kasarnja maoe diperoepamaken jang di achirnja doenia nanti tida taroek satoe kehargahan pada satoe pamoeda jang maskipoen pinter dan sehat, tapi tida djoedjoer atawa palsoe dalem penghidoepannja. Begitoe djoega dalem Doenia Sport orang bakal kemoedian asingken pada spelers jang biarpoen bagimana sampoerna, tapi tjoerang dalem permaenannia. Dalem segala hal kedjoedjoeran aken menang di achirnja, dan ini sifat dari boeahnja Karakter ada maenken rol paling penting dalem penghidoepannja segala manoesia. Diitoe betoel itoe pepata: "Honesty is the best policy". (Kedjoedjoeran ada prilakoe jang paling sampoerna).

Itoe tiga matjem sifat terseboet ada saling tarik menarik pada satoe sama laen menoeroet wet Alam, dan marika moesti djalan berendeng dan teriket mendjadi satoe jang meroepaken itoe tiga sikoe. Lebih djaoeh bisa di peroepamaken poelah bahoea Onderwijs sebagi kepala kita, Sport sebagi percet kita, Karakter sebagi kaki kita jang moesti berdiri djedjek, dan Sociaal sebagi tangan kita jang diroepaken dengen itoe artian Blok malang merah di tengahnja itoe tiga pesagi. Ringkesnja itoe semoea anggota kita jang lengkep tadi haroes digoenaken dengen betoel dan sampoerna.

Blok malang: Itoe palang merah di tengahnja itoe tiga pesagi anteronja berarti Sociaal, jang kita soeda seboetken di atas sebagi tangan kita, dan ini palang merah:



poenja ampat oedjoeng dengen tanda: a, b, c, d, ada mengandoeng artian

OBAT BATOEK Vitex Pastilles

Paling mandjoer, enak dan menjegerken! Harga moelai 10 ct. p. bl. berikoet jang djoega terlibet dalem artian Sociaal:

a. Kaja dan miskin

Toea dan moedah Laki dan prampoean

d. Terpladjar atawa tida-tingkatan atas atawa bawah jang anteronja kita tida membikin perbedahan, tapi pandeng semoeanja sama rata menoeroet itoe roepa timbangan (balans) dari itoe symbool poenja doea hoeroet Tionghoa: 青年. Lebih djaoeh itoe

doea hoeroef Tionghoa boekan sadja di artiken letterlijk pemoeda, tapi djoega ada di maksoedken "Soemanget Moedah", dan djoestroe ini tida memandeng perbedahan antara toea dan moedah dalem oeroesan Siahwee. Orang biar bagimana toea poen, tapi kapan mempoenjai itoe soemanget moedah ada teritoeng dalem golongan kita.

Apa jang diartiken dengen itoe oetjapan "Soemanget Moedah"? Jalah satoe ambeken dari segala orang jang selaloe berjakin boeat bikin segala apa sadja djadi lebih sampoerna dan "efficient," dan tida merasa poewas sampe disitoe sadja. Sebagimana ternjata orang jang bersoemanget toea aken merasa tjoekoep poewas begitoe ia dapetken apa-apa jang soeda bikin ia djadi senang dan poewas, dan soemanget begini tida sedikit jang ada terdapet pada banjak pamoeda jang lantas pasra sama nasib.

Sebagimana kita soeda terangken di atas bahoea itoe blok palang merah anteronja diartiken Sociaal, dan apa artinja Sociaal? Dengen kasar Sociaal jalah pergaoelan dan djoega pertjampoeran sama segala orang banjak, dan berame menjiptaken kagoenahan dan kapentingan oemoem.

Kita poenja pamoeda boekannja tida mengenal Sociaal, tapi kita poenja peperasahan Sociaal ada kliwat tipis sekali, jang mana barangkali lantaran sebagian besar dari kita poenja sifat Kowkati dari toeroenan belon bisa seanteronja termoesna. Djoestroe di sini kita perloe itoe keinsjafan Sociaal dalam pergaoelan dan pergerakan dari kita poenja perkoempoelan

Tangan kanan pegang obor: Sebelonnja membitjaraken artinja itoe obor, kita haroes lebih doeloe taoe apa artinja jang dikandoeng dengen itoe symbool dari tangan kanan jang menjekerem itoe gagang obor tadi. Tangan kanan ada salah satoe anggota badan manoesia jang paling penting sekali, maka itoe artian symbolisch dari itoe tangan kanan terseboet jang menjekerem ada sebagi berikoet:

> Pegang tegoe kita poenja toedjoean.

2. Bersariket dan mengiket antero Pamoeda kita mendjadi satoe badan organisatie jang tegoe.

3. Angkat naek kita poenja tangan badjoe dan boektiken dengen pakerdjahan jang mana ada membawah artian dari Motto kita: "Spectemur Agendo" (Kenalken diri kita dengen perboeatan).

Gagang dari obor:

Oedjoeng dari ini gagang obor ada ketjil dan tadjem, dan naek ka atas dari itoe ring, itoe gagang mendjadi tambah gemoek dan besar sekali sampe pada itoe boenderan besar jang djadi moeloetnja itoe obor. Ini ada symbolisch bahoea dalem permoelahan dari kita poenja pakerdjahan dan pergerakan bermoelah dari ketjil dan actief boeat dikenal oleh oemoem, dan pelahan naek sedikit sadja sesampenja pada itoe ring ketjil sebagi satoe decoratie jalah mengoendjoeken satoe tandah bahoea baroe dari sitoe moelai itoe periode permoelahan boeat kita moelai teroes menandjak naek ka atas mendjadi tambah lebih besar sampe dipoetjak itoe boenderan besar jalah seroepa djoega penjebiaran loeas betoel di antero djagat dari pergerakan kita poenja Perkoempoelan H. C. T. N. H.

Obor: Menjalanja itoe api obor jalah mengasi penerangan dengen mentjorotnja ia poenja sinar di antero tempat disekiternja, dan mendjadi tida ada terdapet kegelapan poelah. Menjalanja itoe api membawah satoe arti dari berkobarnja soemanget kita jang mengasi kedjelasan dan andjoeran boeat bekerdja lebih loeas dengen segenap hati. Djoestroe itoe tempatnja ini Obor ada ditengah betoel dalem itoe tiga pesagi 'dan dari itoe blok palang merah, maka disitoe maoe di artiken bahoea satoe soemanget jang sedjati ada perloe sekali hidoep boeat sampeken itoe semoea toedjoean dari Perkoempoelan kita soepaja bisa mendjadi berwoedjoed jang soeboer. Maka ada kliroe sekali kapan kita tjoema meloeloe oetamaken satoe bagian Sport sadja dibikin madjoe tapi sebaliknja anteronja kita poenja toedjoean Onderwijs, Sport dan Sociaal koedoe didjalanken dengen penoeh kita poenja soemanget sepenoehnja dan dengen sedjati.

Menjalanja itoe api obor zonder bisa padem artinja ada mengoeroeng kita haroes bekerdja siang hari dan malem dengen mempoenjai itoe keoeletan dan soemanget hidoep zonder mengenal tjape dan keder goena sampeken kita poenja Perkoempoelan poenja maksoed dan toedjoean.

Kleur:

Dasar warna terdapet didalemnja itoe tiga pesagi jang dipake jalah biroe langit, jang ada warna pengetahoean.

Itoe hoeroef Tionghoa: 書 sengadja diroepaken warna poeti bersi jalah warna jang mengasi arti ke-

Warna dalem itoe blok palang merah ada merah darah jang artinja bersoemanget moedah, dan warna dari itoe api dari obor ada satoe tjampoeran koening sama merah jalah ketjintahan dan soemanget tergaboeng.

Sebagimana telah diterangken di atas bahoea ini semoea artian dari warna didalem symbool kita ada di ambil berdasar atas occult standpunt, dan dari itoe artiannja terbates tjoema di sitoe sadja dan tida membawah artian laen lagi, tapi mengambil dari laen dasar tentoe sekali banjak matjem dapet dalem symbool kita. Artian laen jang bisa didapet dari laen dasar aken membikin koerang soeroep dari itoe artian sedjati jang digenggem oleh symbool kita tadi.

Itoe tiga matjem warna sengadja djoega telah diambil dari dasarnja warna dari kita poenja bendera Tjhing Thian Pik Djiet.

Itoe dasar biroe menjiptaken kita boeat mengenal dan insjaf betoel azas dari H. C. T. N. H., dan dengen sedjoedjoernja melakoeken itoe kewadjiban sebagi anggotanja, jang diroepaken dengen itoe kleur poeti dengen hoeroef Tionghoa: 青年 dan warna merah

ada meloekisken bahoea dengen penoeh ketjintahan kita ada mengasiken itoe soemanget hidoep boeat bekerdja goena kepentingan dan kemadjoeannja Perkoempoelan kita.

Dalem laen perkatahan dengen tergaboengnja itoe tiga warna ialah bahoea sebagi anggota dari H. C. T. N. H. kita diwadjibken betoel boeat taoe dan mengerti azas dari perkoempoelan dan dengen setoeloesnja dan penoeh ketjintahan dan keoeletan boeat melakoeken kewadjiban pada H.C.T.N.H. poenja maksoed dan toedjoean, soepaja kasi kasampoernahan pada semoea pamoeda kita rata-rata zonder bikin perbedahan.

Motto: Kita poenja Motto: "Spectemur Agendo" telah disahken oleh Centraal Bestuursvergadering tanggal 16 October 1931 di Batavia, dan djoega telah dioemoemken dalem Centraal Orgaan Vol. II No. 9 November 1931. Ini Motto ada dalem bahasa Latijn jalah koetipan dari pridatonja Ulixis (Odysseus) jang telah kalaken Ajax (liat boekoe Ovidius bagian Armorum indicium). Artinja ini Motto jalah "Kenalken diri kita dengen perboeatan" atawa tegesnja kita haroes kasi oendjoek dengen perboeatan, jang mana djadi ampir mirip sama itoe pepata Latijn "Fecta non Verba"

Kita toetoep ini toelisan dengen satoe seroehan biarlah tiap-tiap anggota dari kita poenja Perkoempoelan djadi insjaf, bahoea, dalem sekali tersemboeni pada itoe Badge kita jang ketjil ada genggem satoe artian jang besar. Bikinlah itoe soemanget kebesaran sebagi satoe poko angen-angen jang haroes di tjapeihin dalem penghidoepan soepaja dalem ini doenia kita bisa berdiri besar dalem artian kamanoesiahan.

Dokter HAN SOEN IE ALGEMEENE PRAKTIJK Djam bitjara: $\begin{cases} 8 & -10 \text{ pagi} \\ 5 & -6.30 \text{ sore} \end{cases}$ KAPASARI 14—TELEFOON ZUID 431

SOERABAIA POLIKLINIEK PAVILJOEN HOTEL PENSION "LIEM" KAPASAN 18.

Djam bitjara: $\begin{cases} 10 - 12 \text{ pagi} \\ 6.30 - 8 \text{ sore} \end{cases}$

DENGEN PEMBAJARAN MOERAH.

Goena Kaberesan, . . .

Taoe salah tetapi tida maoe robah, itoe jang dibilang salah.

Boeat mendjaga agar di dalem negri selaloe beres, maka diadaken oendangoendang atawa wet.

Satoe perkoempoelan atawa satoe persariketan poen tida beda dengen negri. Di sitoe moesti diadaken wateswates atawa atoeran agar mendjadi

Wetnja perkoempoelan jalah jang oleh oemoem diseboet reglement.

Perkoempoelan atawa persariketan zonder reglement, sebagi auto zonder... kemoedi, atawa negri zonder wet.

Kaloe auto zonder kemoedi, kamanatah djalannja?

Begitoe djoega kaloe negri tida di lindoengin dengen oendang-oendang, nistjaja djadi kaloet dan tida beres.

Satoe perkoempoelan poen tida beda dari itoe.

Precies sebagi hakim atawa pembesar koedoe poenjaken verantwoordelijkheidsgevoel atawa perasaän menanggoeng, bestuur dari satoe perkoempoelan poen haroes poenjaken itoe perasaän tanggoeng djawab.

Maka berat dan soesah tanggoengan-

nja satoe pemimpin.

Tetapi lantaran pemimpin, pembesar atawa hakim poen ada satoe manoesia, maka bisa djoega satoe-satoe kali lakoeken kekliroean atawa bertindak jang ia sendiri kamoedian anggep, ada koerang bener, maka dibilang: "Vergissen is menschelijk!"

Tjoema kapan kita soedah menge-tahoei adanja kekliroean itoe, haroeslah kita tjepet perbaikin, soepaja kesalahan itoe tida djadi kesalahan poela, sebab satoe pribahasa Tionghoa ada bilang: "Kesalahan jang tida dirobah, itoelah jang dinamaken salah!" (Koo djie poet kay, sie wie koo ie).

Dari itoe tatkala kita dapet mengatahoei sectie T. N. H. Kertosono dischorst oleh Hua Chiao Tsing Niën Chung Hui, telah terbitken djoega kitapoenja perasaän menjesel. Kerna schorsing ini telah terdjadi berhoeboeng dengen sectie terseboet poenja kealpaän terhadep koeadjibannja pada Chung

Kita pertjaja Chung Hui telah ambil

itoe tindakan dengen perasaän amat menjesel, kerna sebelon poetoesan itoe didjalanken, ia poen telah beriken tegoran lebih doeloe, soepaja sectie Kertosono bisa dapet kasempetan bikin beres peritoengannja, dengen begitoe Chung Hui tida oesah djalanken oendang-oendang perkoempoelan.

Satelah sectie Kertosono belon djoega djalanken koeadjibannja, baroelah Chung Hui tida bisa menjingkir dari apa jang reglement ada menitahken.

Tetapi schorsing boekan royement. Schorsing kita maoe artiken satoe tegoran jang "sedikit" lebih tadjem dari djalan biasa, dengen soerat.

Dus sekarang masih ada tempo oentoek sectie Kertosono bikin betoel kakliroeannja, atawa betoelken kealpaän-

Sectie Kertosono tida oesah maloe atawa djadi sakit hati dengen adanja itoe kedjadian kerna apa jang Chung Hui berboeat adalah menoeroet koeadjibannja djoega. Kaloe Chung Hui menjingkir, artinja ia sendiri . . . alpa!

Lagian perasaän sakit ati di dalem oeroesan perkoempoelan, atawa mengambek, boekan satoe klakoean jang betoel. Tida sadja itoe boekan watak satria, hanja orang aken anggep kinderachtig (kaja anak-anak).

Sementara ka'alpaän jang dilakoeken oleh sectie Kertosono, maski djoega mengenaken semoea anggota dari itoe sectie, tetapi sabetoelnja melainken bestuur dari sectie terseboet jang tanggoeng-djawab.

Dari itoe, djalan jang paling betoel dari sectie Kertosono, adalah sabrapa bisa dengen tjepet angkat poela itoe schorsing, dengen djalan beresken semoea oeroesan jang masih tergantoeng.

Tjara demikian boekan sadja sectie T. N H. Kertosono djadi djalanken koeadjibannja terhadep Chung Hui, tetapi ia poen mengoendjoek hargaken kepertjajaän jang anggota-anggota telah taro padanja.

Dari itoe kita pertjaja djoega, ka'alpaän dari sectie Kertosono aken sigra dibikin betoel dan aken tetep mendjadi anggota jang setia dari kita-poenja organisatie.

T. N. H. Tribune.

Apa masoek perkoempoelan ada perloe?

Pertanjaän sebagi di atas ini sabenernja sedikit aneh.

Kerna kaoentoengan langsoeng dari satoe perkoempoelan boeat ia-poenja anggota-anggota, ampir tida ada, apa lagi satoe perkoempoelan jang perhatiken oeroesan sociaal.

Perkoempoelan boekannja toko atawa waroeng, kapan orang masoek dan bajar, lantas dapet apa-apa sebagi

Tetapi perkoempoelan ada..... perkoempoelan.

Ia ada saoepama tali jang iket ba-

njak orang mendjadi satoe, ia aken belaken kapentingannja banjak orang, dan teroetama..... ia maoe bikin ragem di dalem kalangan bangsa sendiri.

Maka tiap tiap bangsa jang soedah madjoe ada poenjaken perkoempoelan2, dan perkoempoelan2 itoe ada poenjaken azas atawa toedjoean sendiri-sendiri, agar bisa berboeat apa-apa jang penting bagi anggotanja. Sebab dengen berkoempoel kita bisa berboeat atawa lakoeken apa-apa jang satoe doea orang tida sanggoep lakoeken.

Tida beda kita angkat saroepa barang, dengen sendirian kita tida koeat pikoel satoe balok - oepama jang beratnja satoe ton - tetapi dengen banjak tenaga, itoe balok bisa terangkat djoega.

Maka tatkala ia masih moeda, Dr. Sun Yat Sen andjoerin pemoeda-pemoeda Tionghoa bersatoe di bawah satoe bendera perkoempoelan dan setia pada perkoempoelannja.

Sebab kaloe tjoema berkoempoel, tetapi tida bersatoe atawa setia pada perkoempoelannja, kita tida beda seperti goendoekan pasir, kliatannja sadja bersatoe, tetapi sabenernja berantakan. Kaloe ada angin sedikit sadja menioep, soedah berterbangan

Di dalem perkoempoelan djoega demikian.

Dari itoe saben pemoeda diminta bersetia, toendoek pada perkoempoelannja, kenal discipline, tjoema dengen begitoe baroe perkoempoelan itoe bisa berarti, tegesnja berboeat banjak aken goena kita berame.

Seperti poeloehan Hua Chiao Tsing

Niën Hui, sekarang tergaboeng djadi satoe organisatie besar di bawah nama Hua Chiao Tsing Nien Chung Hui, betoel kliatannja ia belon berboeat apa-apa jang penting di kalangan masjarakat Tionghoa, tetapi hal jang sabenernja ia soedah kerdjaken satoe tindakan jang sedjak poeloehan taon doeloe belon pernah tertjapei dan diimpiken oleh perkoempoelan Tionghoa jang mana sadja, jalah tergaboengnja 52 perkoempoelan di bawah satoe Cen-

Ini kliatannja tida penting, tetapi amat penting boeat s bangsa.

Satoe bangsa baroe djadi besar dan penting kapan ia bisa bersatoe.

Boeat ambil satoe tionto jang paling gampang, kita bisa saksiken pada kita poenja tanah-aer; Tiongkok nistjaja tida oesah alamken banjak gentjetan dari loear djika sedari doeloe rahajatnja kenal persatoean.

Djoega perkoempoelan² kita di Java tida oesah alamken banjak djengèkan dari lain fihak kaloe sedari doeloe kitaorang soedah bisa bersatoe.

Maka djoega kita maoe bilang, berdirinja Hua Chiao Tsing Niën Chung Hui ada besar pentingnja bagi pergerakan Hoakiauw. Wadjiblah sasoeatoe anggotanja sokong ini organisatie, dari siapa kita boleh taro banjak harepan aken kamoedian bisa membantoe banjak di dalem soeal kapentingan kita berame.

Sectie-sectie Tsing Niën Hui, di berbagi-bagi tempat poen telah kerdjaken satoe dan lain oesaha jang bisa memberi kafaedahan pada publiek Tionghoa, seperti boeka polikliniek, sekolahan, dan sebaginja lagi.

Ini pendirian-pendirian ada perloe, teroetama djika dipandeng dari djoeroesan kemadjoean bangsa.

Sasoeatoe bangsa baroe djadi terindah dan madjoe kaloe onderwijsnja madjoe.

Dari itoe kita bilang, perkoempoelan ada penting, betoel anggotanja tida dapet kaoentoengan direct, oepama kita tida bisa trima kembang goela maski kita satiap boelan bajar doea talen atawa satoe roepiah, tetapi faedah jang

bangsa kita, sanak saudara kita atawa toeroenan kita, di lain hari aken dapet, djaoeh lebih besar dan djaoeh lebih penting dari pada kapan kita blandja di waroeng.

Maka toendjanglah Hua Chiao Tsing Niën Hui . . . !!!

HUANG CHUNG JEN.

"Padvinderij" dan "Pendidikan Anak-anak". "II"

Lantas dateng itoe oesia dari 12 - 15 boelan, dimana itoe anak beladjar boeat berdjalan. Ini ada begitoe poenja soesa, sampe itoe anak haroes goenaken sepenoenja dia poenja perhatian dan energie, hingga kita tida haroes mendjadi heran atau kwatir, diikalo lain2 bagian mendjadi sedikit terlantar, seperti: beladjar bitjara; dan ini aken mendapet kemadjoean poela, djika itoe anak soeda bisa berdjalan sendiri. Berbareng dengen ini, itoe baji aken alemken satoe perobahan dalem dia poenja tjara hidoep; sekarang dia bisa taro lebi banjak perhatian pada sekiternja; dia poenja operatie-terrein ada berpoeloe lipet lebih besar.

Dalem oemoer 1 - 3 taon itoe anak aken dapetken kemadjoean jang pesat dalem dia poenja tjara mengomong dan menjoesoen perkatahan (taal-ontwikkeling). Bermoela dia aken mengarti orang poenja perkatahan, dan pelan2 dia lantas bisa atoer sendiri dia poenja omongan. Menangis, mengotje dan meniroe orang poenja perkatahan ada satoe training boeat dia poenja longen (paroe) perkakas bitjara dan soepaia bisa mengasi soeara jang djitoe boeat sesoeatoe perkatahan (spraakklanken). Ini sekalian ada terdiadi di taon jang pertama dan baeklah sekarang kita perhatiken bagian2 jang lain.

Toedjoe taon jang pertama telah dinamaken waktoe dari perasahan soeka maen. Memaen, ada boeat itoe anak satoe kaperloean hidoep. Dia moesti dan aken memaen, kerna boeat itoe dia ada tersoeroeng oleh kemaoean jang tida hisa tertjega boeat meniroe dan tida bisa doedoek diam Sabenernja dengen memaen, dia ada bekerdja boeat mendidik dirinja sendiri goena penghidoepannja jang aken dateng, maskipoen dia tida brasa dan mengatahoein tentang ini. Kerna dengen memaen dia beladjar boeat kendaliken dia poenja pergerakan badan, beladjar kenal dengen barang dan penghidoepan disekiternja dan beladjar oetjapken perkatahan dengen djitoe boeat apa jang terkandoeng dipikiranja (uit te drukken, wat er in hem omgaat).

Di ini bagian jang pertama, itoe anak pandeng dirinja sabagi satoe machloek jang paling penting, jang haroes dapet paling banjak perhatian dari sekoelilingnja. Manoesia dan barang², papa, mama dan soedara²nja, melingken mempoenjahin hak boeat hidoep, djika dia orang melajanin dirinja seperti boedak (didalem pemandengannja).

Ini bagian dinamaken djoega tasie-periode", kerna boeat segala hal jang dia tida mengarti, aken dia tambahin dengen fantasie. Oleh kerna ini, kita orang tida bisa ilangken itoe perbedahan diantaranja dia poenja pikiran dan kedjadian jang bener (geen overeenstemming kunnen bereiken met de werkelijkheid). Dia aken menggambar roemah-roemahan, dimana orang dan medja korsinja bisa terliat dari loear, sebagi djoega tida ada tembok jang menghalangi itoe dari pemandengan mata kita. Satoe manoesia aken dia gambar, sebagi djoega itoe melingken terdiri dari kepala, badan, kaki, tangan dan koeping. Dalem ini oesia itoe anak bisa menggambar segala matjem barang, tetapi itoe gambaran bisa diartiken satoe karbo atawa djoega satoe

Diantaranja ini oesia itoe anak soeka menanjaken segala matjem hal jang dia tida mengarti. Bermoela dia bertanja, kerna dia ingin taoe namanja itoe barang2, lantas dateng itoe pertanjaän: Boeat apa ada medja dan korsi? Boeat apa ada satoe tante? Habis ini dateng itoe pertanjaan seperti: Kenapa satoe andjing mempoenjahin ampat kaki, dan kita melingken doea? Kenapa kita poenja roemah tida bisa berdjalan, sedeng satoe bekingking selaloe menggendong dia poenia roemah, kemana djoega dia pergi? Dan itoe anak tida aken mendjadi bosen atau tjape boeat mengoelangin satoe matjem pertanjaän sampe berpoeloehan kali sehari.

> Aken disamboeng. K. K. S. Sb.

ANDJOERAN.

Anti-Opium Congres dan H.C.T.N.H.

(Oleh Chuang - Djokja).

Pada nanti boelan April j.a.d. di Batavia, aken dibikin Anti-Opium Congres, dan boeat kaperloean mana dari sekarang soedah disoesoen satoe badan comite. Dari Djokja jang aken toeroet mendiadi anggotanja itoe badan comite ada O. L. Mij. Boemipoetra, samentara dari kalangan bangsa Tionghoa belon ada kadengeran.

Disini rasanja tida perloe disangkal poela, bahoea congres terseboet sabenernja ada sanget besar artinja bagi masjarakat Tionghoa, kerna sebagimana telah diketaoei, bangsa Tionghoa jang soedah haboerken harta bendanja dalem ratjoen madat, sampe ratoesan millioen roepiah. Tjoema disini perloe djoega diadjoeken satoe pertanjahan jang djoega sama pentingnja: "Apatah itoe Anti-Opium Congres aken mengasih kefaedah-kefaedahan bagi masjarakat bangsa Tionghoa?" dan "Apa congres itoe tida tjoema aken meroepaken satoe medan omong kosong!"

Lain pikiran telah timboel, sabenernja soeal hasil atawa tidanja itoe congres kita tida perloe roendingken lebih doeloe, tjoema pokoknja dalem hal pembantrasan pemadatan, orang sedikitnja soedah bergerak. Tapi disampingnja ini, lain soeal jang telah mengoendjoek, bahoea soeal pembantrasan pemadatan itoe, soedah dilakoeken sendari taon 1890, dan selama ampir 50 taon ini, sahingga sampe sekarang, soeal pemadatan masih dilakoeken sama loeasnja, atawa kaloe boleh dikata ada dan tidanja itoe comite anti-opium keadaännja sami-mawon, maka lantaran inilah timboel itoe kesangsian.

Kita memang haroes poedjiken pada initiatiefnja itoe comite, jang kaloe kita tida kliroe, soedah soeka tjapeken dirinja oentoek lakoeken itoe pemban-trasan, maski hasilnja belon kaliatan. Samentara poen haroes tida diloepa, pada bantoeannja berbagi-bagi golongan rahajat, tapi diikaloe fihaknja pamerentah sendiri sampe sabegitoe diaoeh masih belon maoe melepèhken kemanisannja itoe ratjoen madat, atawa lebih teges diartiken kaoentoengan dari pendioewalan madat, rasanja soeal pembantrasan madat, ada sanget soesah boeat dilakoeken, dan bisa di tjaboet sampe diakar-akarnja. Kerna menoeroet tjatetan jang kita koetib ada mengoendjoek brapa besar adanja kaoentoengan madat jang telah didapetken.

Boleh dikata sedari Oost-Indische Compagnie dateng di Indonesia pada kira-kira 300 taon berselang, kongsie terseboet dari pendjoewalannja madat sadja saben taonnja telah bisa tarik kaoentoengan sahingga poeloehan millioen. Bisa ditoetoerken lebih djaoeh, bahoea menoeroet tjatetan pada taon 1676 dan 1678 koetika oleh O. I. C. telah didapetken hak monopolie boeat import madat ka negri-negri (sekarang meroepaken kota-kota) Mataram, Cheribon dan Bantam, djoemblahnja pendjoewalan mendjadi bertambah besar. Orang nistjaja masih inget jang pada itoe waktoe tiga tempat terseboet ada meroepaken sebagi poesatnja perdagangan, dan diantara bangsa-bangsa adalah terdapet djoega bangsa Tionghoa jang tida ketjil djoemblahnja. Ditambah poela jang soedah dari djeman koeno, bangsa Tionghoa terkenal sebagi pemadatan maka poen tida heran jang itoe penjakit, jang te lah didjedjelken pada bangsa kita oleh pamerentahan Manchu dan Inggris. dalem mengoembaranja ka ini negri telah dibawa djoega. Makapoen boleh dikata pada itoe djeman bangsa Tionghoa telah ilangken temponja dengen memadat, hingga sebagian besar dari marika ada pemadaten. Begitoelah sasoedahnja O. I. C. mendapet itoe hak monopolie, laloe diadaken banjak perobahan, jang maksoednja oentoek menambahken besar omzetnja, selain ini poen kaoentoengannja. Dan dalem ini hal telah diadaken pacht madat, bea, pendjoewalan dikitten dan sebaginja. Pada taon 1833 gouvernement telah mengadaken exploitatie sendiri, sehingga sampe sekarang ini. Boeat pertama kalinja pada taon 1894 di Madoera telah diadaken regie, dan pada itoe waktoe djoega telah didiriken satoe fabriek madat jang katanja tjoema boeat sa-

mentara waktoe!

Tentang kaoentoengannja bisa ditoetoerken, bahoea pada taon 1794

O.I.C. telah dapetken 2 millioen lebih, samentara koetika pendjoewalan terseboet soedah djatoh dalem tangan pamerentah bisa kasih kaoentoengan 5

millioen pada taon 1850, taon 1894 ada 101/2 millioen lebih, taon 1888 ada 12 millioen lebih dan taon 1894 itoe kaoentoengan telah djadi naik sampe 18 millioen lebih. Ada ditoetoerken dioega bahoea sasoedahnja itoe regie bekerdja ada 5 taon lamanja, kaoentoengan jang telah ditarik ada 23 millioen lebih. Djoemlah-djoemlah terseboet telah diambil dengen setjara kasar pada itoe waktoe, hingga kaloe disoesoen dan ditotaal sahingga sampe sekarang kita rasa orang aken bisa bajangken sendiri brapa besar aken soedah ada itoe kaoentoengan. Begitoepoen koetika blakangan djeman tambah makmoer, omzet pendjoewalan madat semangkin naik, sahingga pada djeman crisis maski boleh dikata pendjoewalan ada toeroen djoega, tapi kaoentoengan tetep bisa didapetken sampe poeloehan

Samentara orang-orang jang telah mempoenjai licentie sahingga ini, soedah tentoe kaloe dibandingken pada doeloe, djoemblahnja ada moendoer banjak sekali, ada berdjoemblah 40 sampe 50.000 orang dengen antaranja sebagian besar ada bangsa Tionghoa, sedeng lainlain bangsa djoemblahnja kena direken! Di sampingnja ini poen haroes tida diloepa, ada brapa banjak pemadatan jang soedah djalan gelap, tegesnja memadat 20nder memake licentie.

Begitoepoen haroes tida diloepa, dalem hal pembantrasan madat, maski antara regie dan anti-opium telah diadaken samenwerking, tapi maskipoen demikian hasilnja tida terlaloe kaliatan, kaloe tida maoe dikata ada nihil. Tentang maksoednja itoe anti-opium memang haroes diakoei ada sanget baik, kerna selainnja rahajat telah diandjoerken soepaja marika djaoehken diri dari madat, kerna ratjoen madat meroesak moreel dan kasehatan, poen financieel ada sanget diroegiken. Diliat dari ini djoeroesan, kombali disini kita haroes njataken pakerdjahan itoe memang ada sanget baik. Tapi marika jang soedah mendiadi pemadatan maski diandioerken bagimana djoega, tida maoe mengarti, dan anggep memadat adalah satoe obat koeat! Maka dalem hal pembantrasan pemadatan boeat sekarang ini masih belon bisa dikata fihak mana jang menang, kita maksoedken fihaknja comite anti-opium atawa pemadatan. Tapi kaloe menginget pada adanja tjatetentjatetan diseblah atas, dimana boeat lakoeken pembantrasan madat oleh comite soedah dilakoeken ampir 50 taon lamanja, zonder ada hasilnja jang kliatan njata, maka orang aken bisa bajangken sendiri fihak mana jang aken dapet kemenangan. Apa jang kita boleh merasa soekoer, comite maski dalem tempo begitoe pandjang, pakerdjahannja belon kaliatan dengen njata, toch marika masih teroesken, dan lantaran inilah soedah meroepaken satoe pengharepan jang pada satoe waktoe, dengen mendapet bantoeannja pamerentah setjara jang lebih loeas, achirnja pemadatan bisa djoega dibasmi.

Kita sengadja soedah ambil ini kalimat dan peroendingan oentoek diisiken dalem Chunghui poenja orgaan, oleh kerna pertama kita menginget pada namanja H. C. T. N. H. jang meroepaken salah satoe sociale-vereeniging jang terbesar. Selainnja ini apabila kita soeka menilik pada keadaännja masjarakat lain-lain bangsa, adalah dari bangsa kita Tionghoa jang sebagian besar dari rahajat jang kena dibikin terdjeroemoes dalem djaringnja Nji Loroireng, di Tiongkok maoepoen di sini. Maski oentoek lakoeken pembantrasan pada ini hal, haroes diakoei ada satoe pakerdjaän jang tida gampang, pamerentaän di Tiongkok soedah berdaja boeat bisa djoega membantras. Disini boekan kita ingin menjalahken, tapi ini hal jang sabenernja soedah diketaoei oleh kita poenja socalled "kaoem pemimpin Shiahwee", bahoea pemadatan dari kalangan bangsa kita di ini negri, djoega haroes dibantras atawa dibasmi, tapi sampe sabegitoe djaoeh kita taoe dan kaloe tida kliroe, ada sedikit sekali, kaloe tida maoe dikata, tida ada jang bergerak dan ambil initiatief, boeat bertindak ka ini djoeroesan. Apatah memangnja ini pakerdjaän boekannja ada kita poenja kawadjiban?

Djoega soeal congres jang aken di bikin itoe, boekan ada atas initiatiefnja bangsa Tionghoa, tetapi ada lain bangsa telah mengataoei sampe brapa dalem

djeleknja madat, dari pada pengataoeannja bangsa.

Menginget jang congres terseboet diatas, rasanja djoega aken mengoendang lain-lain bangsa di Indonesia, boeat diadjak beroending serta bekerdja sama-sama oentoek lakoeken pembantrasan pada pemadatan dengen tjara jang lebih effectief, apatah sekira-nja kita poenja H. C. T. N. H. tida soeka toeroet adjoeken diri, dengen djalan bikin perhoeboengan dengen comite Anti Opium Congres di Batavia. Kita poenja persatoean H. C. T. N. H. sendiri haroes insjaf, bahoea dalem itoe congres aken diroendingken satoe soeal jang sanget besar artinja bagi kita poenja masjarakat maka apa tida selajiknja kaloe kita sebagi satoe perkoempoelan sociaal, dengen setjara vrijwillig adjoeken diri kita? Boekan boeat kapentingannja leden dari T.N.H. tapi goena kita poenja masjarakat!

Kita memang haroes akoei jang tambah lama djeman tambah modern, tetapi tida boleh dipastiken jang soeal pemadatan dan morfinisten bisa linjap sendirinja, dan sekarang poen ada mengoedjoek tanda-tanda bahoea dari kalangan pemoeda kaoem modern tida sedikit jang soedah mendjadi boedaknja madat dan morfine, maka sabelonnja keadaän mendjadi terlaloe kasep, ada sanget perloe jang bangsa Tionghoa teroetama dari kalangan kaoem pemimpin Shiahwee soeka perhatiken ini soeal.

Kaloe kita bangsa Tionghoa tida ingin menampak jang rahajat kita, meroepaken satoe goendoekan dari majit hidoep, perloe sekali jang kita bangsa Tionghoa sendiri djoega toeroet tjampoer dalem ini oeroesan pembantrasan madat.

Terhadep H. C. T. N. H. kita ingin seroehken, oendjoeklah pada anggepan loear, jang telah kataken persatoean kita H. C. T. N. H. hanja ada satoe persatoean jang memperloeasken perkara flirten, tapi H. C. T. N. H. soeka bekerdja goena memperbaikin kita poenja masjarakat, dan boekan ada itoe perkoempoelan goena kita poenja kaoem pemoeda loeasken marika poenja flir tation!

Maka menoeroet kita poenja anggepanapabila T.N.H. seloeroeh sectie, ingin tjapeiken tjita-tjitanja, oentoek memperbaikin Shiahwee Tionghoa saoemoemnja, ambillah bagian dalem itoe anti-opium congres jang aken dibikin di Batavia.

Kaloe dimana kita poenja negri leloehoer Tiongkok, tjaranja lakoeken pembantrasan dengen sanget saderhana jaitoe kirim kaoem pemadatan ka Giamlo-ong dengen blindjo mentah, disini menginget pada keadaän dan wet dari ini negri kita haroes lakoeken itoe pembantrasan dengen lain djalan. Tentang hasil atawa tidanja, disini kita tida perloe bajangken lebih doeloe, tapi jang teroetama kita haroes berdaja, kerna ini pakerdjahan pembantrasan dalem kalangan bangsa Tionghoa, ada kita poenja kawadjiban, ini djikaloe kita ingin memperbaikin shiahwee Tionghoa.

Dan kaloe bangsa Tionghoa sendiri tida soeka bertindak, pertjajalah jang soeal pemadatan, sahingga sampepoen kiamat, dari kalangan bangsa Tionghoa aken tida bisa terbasmi!!!

Maka berhoeboeng dengen ini kita andjoerken pada kita poenja Chunghui boeat ia soeka bertindak lebih doeloe. dan kamoedian dengen sectie-sectienja bikin perhoeboengan, tjara bagimana baiknja kita haroes bertindah oentoek lakoeken itoe pembasmian madat. Tjoema kaloe sabegitoe djaoeh, kita poenja Chunghui tida soeka ambil initiatief lebih doeloe, boleh dipastiken jang antara sectie-sectienja djoega tida nanti aken ada jang soeka bergerak.

Sekali lagi perloe disini dioetaraken, bahoea oentoek bertindakan dalem ini hal ada satoe pakerdjahan jang tida gampang, tapi maskipoen demikian lantaran oentoek memperbaikin masjarakat bangsa Tionghoa ada tergantoeng dalem tangannja bangsa Tionghoa sendiri, setidak-tidaknja bangsa Tionghoa haroes berichtiar.

Moeda-moedahan sadja jang ini sedikit andjoeran aken mendapet perhatiannja kita poenja Chunghui dan teroetama bangsa Tionghoa saoemoemnja.

HOTEL NANYON GANG PINGGIR 36 - SEMARANG

HOTEL jang djempol di ini kota.

Pantes boeat famillie sopan. Kamar auto vrij. Tarief moerah!



ATTENTIE!

Apa masing-masing soeka maen BADMINTON, jang sekarang ada begitoe populair?

Boeat spelers jang baroe moelai, kita ada sedia rackets koeat, manis, dan harga moerah, seperti:

Star .	-		JUNE .		f	0,65
Champion	3	1	1000	W. A.	**	1,25
Matchless.	1000	1		200		1.50
Rose .					"	290
Service. Mona	1	3			**	2,90
Robin .	W.	460	Binn		**	2.75
1,0011					11	4.12


Boeat jang soedah pinter kita ada sedia dari fabriek² jang soedah terkenal seperti:

Dari Wisden, Good Wood, Prosser, Slazenger, Sykes, d. l. l.

Memoedjiken dengan hormat,


ROSE & Co. Ltd.

Sportspecialisten Toendjoengan 96, - Soerabaia



Periodieken

Semarang Telefoon 259 Zuiderwalstraat 19.





Namanja "HYGEIA" kasih tanggoengan pada U tentang kwaliteitnja

LIMONADE AERBLANDA

N. V. Mineraalwaterfabriek "HYGEIA" v/h R, KLAASESZ & Co. SEMARANG.

Pasang dan bikin betoel Waterleiding Waschtafel, Closet, Kranen.

POMPA BOOR

Sedia matjem-matjem Pompa dan pasang dan sedia Kraan, Douche (Waspa) harga moerah.

HADJIIKSAN

Telefoon 3126 Z,

BOEBOETAN 186 - SOERABAIA.

SCOPE CON CONTRACTOR TO CONTRACTOR FABRIEK DJOEWIE GAN SIAUW DJWAN

GANG PINGGIR 89 - TELEF. 635.

Ini Djoewie soedah di bikin mateng dengen machine jang bersi; satoe makanan jang paling: Goerih dan Enak rasanja djoega boleh makan dengen nasi. Tjobalah! Satoe kali tentoe selaloe mendjadi langganan.

1 Cent

etas tad tad otad cad tad



Bisa trima pakean item voor KEMAN-TEN dan djoega FANTASIE-PAK-KEN model taon 1939 dengen harga pantes. Pakerdjahan di tanggoeng memoeasken kerna ada di bawah pimpinannja toekang speciaal.

Baroe trima djoega roepa-roepa kain jang aloes seperti: TRICOT, FLANEL, CABARDINE, PALMBEACH d. l. l. harga moelai dari f 14.- sampe f 35.-



OEI TIK HONG

DENTIST



Sebandaran No. 20 - Semarang.

"SURENE."

Paling baek boeat kentjing goela makan 3 kali, aer kentjing tida ada goelanja 1. fl f 1.75, besar f 3.25.

SINAMON.

Soepaja bisa datang boelan, seperti laat. sa-kit of keloearnja sedikit. Boenting djangan makan sama sekali berbahaja. 63 bidji f 1.75, 126 f 3.05. Sinamon Extra koeat f 5.10,

ASALIN.

Boeat segala penjakit batoek, seperti batoek kering. (Kinkhoest) batoek darah. T. B. C., sesak en panas dalem dada, 120 bidji f 1.50. 240 bidji f 2,80,

HONORIONS.

Orang lelaki jang diwaktoe malem seringsering kentjing, pinggang toelang-toelang sakit, Loetoet pegel, mani entjer. Tidoer of kentjing mani toeroet kloear, badan lemes, makan 3 fl. tanggoeng baek. 1 fl. isi 100 bidji f 1.25, 200 bidji f 2.80.

HANARIN PILLEN.

Obat koeat boeat prempoean. zwak (lamsie) kepala poesing, dingin toelang-toelang sakit li-noe, mengeloewarkan darah poeti. Makan 3 hari, tanggoeng bisa baek. Prampoean jang baroe abis dateng boelan, bole makan ini obat soepaja bisa tinggal moeda, sehat, seger, (sugset). Hanarin Pillen bisa bersiken darah en ketjilken pranakan, 120 bidji f 1.75, 240 bidji f 3.25.

CERENOL.

Obat boeat sakit prempoean (Syphilis dari dara kotor, sampe antero badan gatel, keloear bisoel ketjil-ketjil, toelang-toelang linoe, moeloe, dan leher di dalemnja sama birintisan sebagai koreng, kanan kiri pahasheswaja. anggota resia bengkak, timboel bisoel merah ketjil-ketjil enz., makan ini obat-obat 2 fl. tanggoeng baek. 150 bidji f 1.50, 300 bidji f 2.80.

Firma De Indische Kruiden. G. Tengah 22, SEMARANG.

Meubel Industrie "JANG JOE" DOEWET 35 SEMARANG.

Adres jang soedah lama terkenal antara bangsa kita bozat pembikinannja

Harep toean-toean dan njonja-njonja bikin pertjobahan, djika maoe boektiken.

Kantoor voor Accountancy en Belastingzaken: THE KIM SOEAN (BELASTINGCONSULENT).

Mengoeroes segala oeroesan-oeroesan belasting dan administratie, srenta administratieve Membikin Balans dan Rekening Oentoeng Roegi dari boekoe-boekoe bahasa Melajoe

dan Tionghoa.

Instituut voor Mondelinge en Schriftelijke Handelsopleiding. Docent: THE KIM SOEAN (Leeraar M. O. Boekh.). Hoek: Gadingstr.-Majangstr. (Ketabang), Soerabaia.

Boekhoudlessen: diwaktoe pagi dan sore boeat mengambil A, B dan V, v. L. diploma.

Ochtendeursus (Cursus diwaktoe pagi): boeat moerid² dari Lagere dan Middelbare scholen. Permintaän masoek paling laat 1 JULI j. a. d.

Schriftelijke cursus (cursus dengan post): boeat beladjar Boekhouden, Handelsrecht en -Kennis dalam bahasa Melajoe (prospectus dan proefles boleh diminta).

TENG KOEIJ YOE

Import, Export & Commissionnair. Opgericht 1918 Telefoon No. 1690. Code's HOABOE - INDONESIA. Tantim 50 B - SEMARANG.



Warta Officiel.

SOCIAL NEWS. Meninggal doenia: Toean Tan Kim Ho. Papa dari Sdr. Tan Joe Tin 21-1-1939

p. c. H. C. T. N. H. Tjimahi. Meninggal doenia: Njonia Tan Lie Kiem

Mama dari Sdr. Tan Liang Giok

7-3-1939 p. c. Centr. H. C T. N. H.

Bertoenangan:

Kwee Giok Hwie dengen Tan Boen Ing.

Modjokerto: 22-2-'39. Bandoeng p. t. Sectie Modjokerto.

Menika:

Sdr. Lim Eng Tjin dengen Mej. Kwa Heng Nio. 4 Maart 1939. p. f. Sectie Batavia.

BESTUURSFORMATIE.

Sectie Solo:

Adviseur : Tan King Djan Voorzitter : Kwee Thiam Hok : Jap Tiang Liem : Tan Djie Ping le Vice-Voorz. Alg. Secretaris : Lauw Kok Djoen : Kho Kian Ien Penningmeester Commissarissen : Tjoa Hok Soen Ong Biauw Lan Kwik Tjaij Gwan.

Sectie Poerworedjo:

Beschermheer : Sdr. Tan Tjin Aan : " C. H. Cheong " Tjoa Ging Nan Adviseurs' Voorzitter : " Thio Khee Hock

> SCHRIJFT VLOT met een S WERELDS MOOISTE PEN

Onmiddellijk schrijvend, schoonheid, gemakkelijk in de hand en een lifetime" (levenslange) ga-rantie maken de Sheaffer tot de zuinigste en meest voldoening gevende pen ooit aangeboden. Alleen Sheaffer heeft ALLE Zeven eigenschappen, welke thans van een vulpen worden geëischt

Doorzichtige en van luchtisolatie voorziene houder ... Lifetime* (levenslange) garantie Vederlicht schrijvend op 2 manieren ; vulling slechts met één slag. . . . Zichtbare Skripvoorraad. . . Be-schermd tegen inktuitdroging, Luchtdicht.

Let op de witte stip. Zij is voor U de zekerheid dat U de meeste voldoening van Uw pen heeft zoo lang U leeft. In vooraanstaande winkels verkrijgbaar.

> · Alle Lifetime-pennen worden onvoorwaardelijk gegarandeerd gedurende het leven van den eigenaar, echter niet tegen verlies en opzettelijke beschadiging. Bij opzending voor reparatie behoeft U alleen een ering bedrag te betalen voor oorto en administratiekosten

Zichtbar SKRIP.

witte ...stip" is gedeponeerd onder No. 20424 en het uitsluitend gebruiksrecht daarvan berust bij de W. A. Sheaffer Pen Co.

Importeurs: Firma LAUW TJIN Batavia - Bandoeng - Semarang - Socrabata

: Sdr. Lo Ban Tiwan Vice-Voorz. : " Oey Giok 1e Secretaris Hwat Bhe Kiem Yan 1e Penningmeester: " Go Yong Poen Thio Khee Tiwan Hoofd-Commis-Ong Biauw saris: " Kiem Bhe Kiem Sportleider Hwie Commissarissen Tan Kiem Djiang Yap Djie Gie Tjoa Hong Liang le Capt. afd. Ong Biauw Football Kiem idem Tan Kiem Djiang le Capt. afd. Basketball : " Bhe Kiem Hwie Tan Kiem idem Djiang le Capt. Badminton A: " Tjoa Hong Yap Djie Gie Captain Badminton B: " Lo Ban Tjwan Leider Afd. Schaak: " Lo Ban Tjwan Bhe Kiem " Music: " Hwie n Pingpong: " Yap Djie Gie Bibliotheek: " Oey Giok Hwat Bhe Kiem Yan Amusement: " Tjoa Ging Nan & Sdr. Oey Giok Hwat Dir. Clubgebouw : " Tjoa Ging Nan & Sdr. Go Jong

Sectie Temanggoeng:

Eere Lid

: Sdr. Siem Bian : " Oei Ling Pie Adviseur Voorzitter : " Goei Bian Gie Vice-Voorzitter : " Hoo Thian Hok Lie Tjoen Tik Lie Kok Liong Secretaris Njoo Tek Swan Ass.-Secretaris The Ing Swan Commissarissen Go Hway Som Tan Djoem Liem Leider Onderwijs : " Go Hway Som Clubgebouw: " The Ing Swan Biljart : " Lie Kok Liong Badminton: " Liem Bian

Sectie Cheribon: Beschermheer : Toean Kwee Zwan Loan : Sdr. Oey Kok Voorzitter Tjing Liem Boen Lie Vice-Voorzitter Secretaris " Kwa Seng Liang Penningmeester Tan Soe Goan Ass-Penningmeester: Gouw Jap Hoofd Commis-Goan saris: " Liem Wie Tjay Commissarissen : " Ong Tjoen

Gie The Tjeng Afdeelingen: Directeur Muziek: Vacant : Sdr. Oey Siauw Leider

Dir. M. C. S. : " Phoa Ik Mo Ass.-Dir. " Kwee Swie Secretaris. Tan Bok Touw Penningmeester Souw Tjiauw Tjin

: " Pouw Eng Onderwijzer Vacant Dir. Jeugd Afd. : Padv. H. Leider: Sdr. Kwee Swie

> V. " : " Gouw Jap Goan Ass. AWL: " Tjwa Tian Bie Ass. AVL: " Oen Sek

Advertentie Orgaan

Totaal

AUTO-ONDERDEELEN BANDEN

OLIE MAGAZIJN ENZ.

TOKO "SELECTA"

BODJONG 80 - TELF, 1930 - SEMARANG.

DIOEGA BISA DAPET:

2e HANDSCHE AUTO'S & MOTORFIETSEN.

Tennis Directeur : Sdr. Lim Toen Houw : " Tan Wan Leider Propaganda Leider: " Gouw Wie Sian

BESTUURSMUTATIE.

Sectie Gombong.

Voorzitter : Sdr. Oei Tan Vice-Voorzitter: Tho Sin Hoo ** Tan Ging Tjin Secretaris Capt. Basketball: Ong Eng Hoo

Sectie Djocja:

Poen

Djoen

: Sdr. Oey Tik Secretaris Giauw

Comm. Soc. & Propaganda : Sdr. Tjeng Tik Kie

SCHORSING

Sectie KERTOSONO kita telah terpaksa schorst, kerna Sectie terseboet soedah tida penoehken kwadjibannja, maskipoen kita soedah peringetken beroelang-oelang pada marika goena bikin perloenasan atawa penjitjilan dari marika poenja toenggakan contributie.

Schorsing termaksoed berlakoe moelai tanggal 1 MAART 1939.

CLUBHOTELS.

Sectie TJILATJAP wartaken pada kita, bahwa hotel2 terseboet di bawah ini bersedia aken kasi korting pada leden H. C. T. N. H.:

Hotel "SLAMET" kasi 20% korting.

Hotel "TIGA" ., 20% ..

WARNA (KLEUR) DARI SECTIE.

Di bawah ini kita moeat warna (kleur) jang soedah dipilih: oleh bebrapa secties:

Sectie Koepang : merah-idjo. Sectie Pasoeroean: o ranje-to e w a. Sectie Bandoeng : biroe-koening. Sectie Poerwore-

dio: merah-sawo. Sectie Sepandjang: poetih tengah streep merah.

SEMARANG, 31 DEC. 1938.

Centraal-Penningmeester

(w.g.) TAN HWAY AN.

SOCIAL NEWS

Bertoenangan: Sdr. Tan Tiwan Hing dengen Nona K. Goei Loei Nio

Sidoardjo : 6 Maart 1939. p. f. H. C. T. N. H. Sidoardjo.

KASVERSLAG HUA CHIAO TSING NIËN CHUNG HUI BAGIAN BOELAN DECEMBER 1938.

KETERANGAN	DEBET	CREDIT
Saldo 30 December 1938. Kas f 44.29 ⁵ Spaarbank1248.20	f 1292 49 ⁵	
Sectie Gombong Contr. & Org. f 3 30 "Loemadjang Contr. & Org. "16 60 "Soemenep Contr. & Org. "30.95 "Magelang Contr. & Org. "12.90 "Tjimahi Contr. & Org. "5.— "Semarang Contr. & Org. "39.08 Pati Contributie. "5.— "Bandoeng Contributie. "8.30 "Malang Contr. & Org. "15.94 "Toeren Contributie. "10.— "Wonogiri Contr. & Org. "6.58 "Cheribon Contr. & Org. "4.10 "Toeban Contr. & Org. "15,80		
Advertentie Organ	., 180 35 ., 52 1 0	
Administratie-kosten Orgaan (onkost tjitak Orgaan Nov./Dec'38 enz.) Padvinderij (subsidie H K. bagian December 1938). Federatie (Contr. Januari/December 1938 af 5.—) Salarissen boelan November 1938 Onkost ketjil-ketjil Commissie Advertentie enz.		f 790 140 87 10 60 60 105 ⁵ 884
Saldo 31 December 1938. Kas		f 288 66 ⁵ 88 08 1148 20
Totaal	f 1524 94 ⁵	f 1524 94 ⁵
RECAPITULATIE PENERIMA'AN	* S. E.	& O.
Contributie	CELLIBRING	

72.76

52.10

232.45

Dames Rubriek.

Njonja Chiang Kai Shek. Ia benerbener ada satoe orang prampoean jang amat loear biasa boeat ini djaman dan soesah ditjari bandingannja.

Doenia soedah kenal namanja Njonja Chiang Kai Shek, teroetama satelah Tiongkok terlibet di dalem bahaja paprangan pada Japan, lantaran Njonja ini telah ambil bagian di dalem berbagi bagi pakerdjaän penting boeat menoeloeng tanah-aernja, bantoe atoer pendirian-pendirian goena ringanken rahajat jang terloenta-loenta serta masih poenjaken tempo boeat tilik pondokpondok dimana ada dirawat anak-anak piatoe serta roemah-roemah sekolah boeat itoe anak-anak jang kapiran.

Soerat-soerat kabar di Java maoepoen di negri-negri asing, telah kegoemin ini Njonja poenja katjintaän jang
amat besar pada tanah-aer dan bangsanja, serta bagimana ia telah berkerdja
sebagi tolk atawa secretaresse dari Generaal Chiang Kai Shek, djika ini pemimpin besar lakoeken pembitjaraän
pada oetoesan-oetoesan loear negri.

Teroetama jang banjak dibitjaraken adalah Njonja itoe poenja pendidikan di Amerika-sariket. Tetapi djarang sekali soerat-kabar bentet pakerdjaännja ini Njonja jang ia lakoeken di dalem ini koetika, jang sasoenggoehnja amat berat dan berbahaja, hingga bisa bikin satoe orang tida abis mengarti bagimana satoe njonja jang mempoenjai kadoedoekan begitoe agoeng, bisa berhadepan dan lakoeken pada banjak pakerdjaän amat berbahaja, jang satoe lelaki masih merasa ngeri

Penoetoeran ini kita ambil dari soerat-kabar dari Hanoi, jang kita anggep ada amat penting, teroetama oentoek disadjiken pada kita-poenja kaoem poetri, sakedar kasih oendjoek bagimana (Nionja Chiang Kai hek) sabenarnja ada satoe pemimpin prempoean jang maha agoeng dan amat loear biasa.

Sasoeatoe kaoem poetri Tionghoa, atawa orang Tionghoa saoemoemnja boleh merasa bangga di kalangan kita ada moentjoel ini satoe orang prampoean jang mempoenjai tenaga berkerdia kliwat oelet, pikiran loear biasa, hati wadja dan ada satoe patriot sediati

Njonja Chiang Kai Shek, moedanja dapetken didikan di Weleyan Gollege di Macon (U. S. A.) dan sedari masih gadis soedah mempoenjai itoe angen2 oentoek perbaikin nasib kaoemnja. Ia taoe kadoedoekan orang prampoean Tiongkok ada amat gandjil dan terlaloe terblakang djika dibandingken pada orang-orang prampoean bangsa Barat. Maka pada 20 taon doeloe tatkala ia boeat pertama kalinja koendjoengin Shanghai, di hadepan brapa pemimpin kaoem istri di itoe kota, ia pernah bilang, boeat bikin madjoe Tiongkok teroetama kaoem istri Tionghoa moesti dibikin bangoen, diberiken pendidikan dan pladjaran sepadan dengen ia-poenja soedara-soe ara golongan lelaki.

Tiongkok aken tinggal terblakang sebegitoe lama golongan kaoem istrinja masih belon mendoesin, sebab jang empos soemanget anak-anak, boeat djadi satoe penjinta negri dan penjinta bangsa, koedoe golongan iboe, siapa ada lebih deket pada sang anak, hingga geraken dan segala pakerdjaännja sang iboe ada lebih banjak pengaroehin sang anak dari pada sang ajah.

Golongan kaoem iboe jang ternama di Tiongkok, semoea terdiri dari kaoem iboe terpladjar. Maka njonja Chiang Kai Shek dengen berkeras minta soepaja kaoem ajah Tionghoa didik anakanak prampoeannja begitoe baik seperti jang ia berboeat terhadep poetra-poetranja. Ini tida meloeloe oentoek kapentingannja itoe familie sendiri, hanja poen ada boeat kapentingannja kitapoenja. . . kebangsaan dan tanah aer!

Ia critiek heibat sekali pada itoe anggepan Tionghoa koeno jang bilang, bahoea anak-anak prampoean ada koerang berharganja dari anak lelaki dan tjoema anak-anak lelaki jang bisa membawa kafaedahan bagi familie dan tanah-aernja.

Njonja Chiang Kai Shek (itoe tempo belon menikah pada Generaal Chiang dan masih gadis) bilang, satoe anak prampoean ada sama berharganja, sama bisanja dan sama pentingnja boeat bangsa dan tanan-aer. Tetapi lantaran kaoem istri Tionghoa banjak jang dibikin terlantar dan dibikin bodo (tida diberiken pladjaran), maka ia djadi tida mengerti tanggoengannja dan tida taoe

apa jang mendjadi koeadjibannja. Lagian golongan orang lelaki ada bantoe tindes, tida beriken sedikit sadja kamerdikaän oentoek golongan kaoem istri bergerak dan bersoeara, maka kaoem istri Tionghoa pada djaman jang laloe bolehlah dikata melainken sebagi sadja kawanan domba

Marika melainken perloe diangon, ditoentoen dan ditjantjang.

Tjara demikian bagimanatah kaoem istri Tionghoa bisa berboeat apa-apa aken goena kita-orang, aken goena tanah aer dan bangsanja, sebab marika tida mengarti. Dan lain sebab poela lantaran marika tida dikasih kasempetan bersoeara.

Ini seroehan dari Miss Sung Mei Ling (namanja jang betoel dari Madame Chiang Kai Shek) telah kasih soemanget djoega pada pergerakan kaoem iboe di Shanghai.

Sedari itoe masa djoemblahnja anakanak prampoean di seloeroeh Tiongkok jang masoek di berbagi-bagi sekolah tengah dan tinggi, semingkin besar.

Begitoelah tatkala paprangan di Shanghai jang kadoea kali terbit (13 Augustus 1937), nona-nona dari berbagi-bagi sekolah tengah dan tinggi di seloeroeh Tiongkok, maoepoen jang soedah tinggalken roemah sekolah, telah meroepaken satoe barisan kaoem istri, siapa dengen satoe soeara njataken bersetia pada Madame Chiang Kai Shek dan tawarken marika poenja tenaga.

Begitoelah maka di dalem paprangan ini kali, djoemblahnja golongan istri jang dengen spontaan tawarken diri oentoek mendjadi djoeroe rawat (verpleegster), djadi goeroe-goeroe dari sekolahan-sekolahan dari anak-anak piatoe, djadi toekang mengoempoelken oeang derma enz. ada besar sekali djoemblahnja.

Ini golongan kaoem istri poenja bantoean tenaga iang amat besar, telah bikin Madame Chiang Kai Shek merasa terharoe, hingga pada brapa boelan doeloean, tempo Hankow belon didoedoekin moesoeh, ia pernah bitjara di hadepannja pemoeka-pemoeka kaoem istri dari tiga kota, Han-yang Hankow dan Wuchang, di dalam satoe pertemoean dalem gedong Y W. C. A. (Young Women Christian Association) di Hankow, begini:

"Soedara-soedarakoe.

"Di dalem kasoesahan jang kita-poenja tanah-aer ini kali tanggoeng, ternjata tida melainken ia-poenja poetrapoetra sadja jang telah sodorken tenaganja, aken berboeat apa jang dirasa baik goena kapentingan kita, padahal kita-poenja soedara-soedara golongan kaoem istri, djoega telah oendjoek, bahoea kita-poen ada poenjaken itoe saroepa perasaän dan saroepa kainsjafan. Dalem bahaja paprangan jang doeloedoeloe, Tiongkok melainken kenal dengen tenaganja ia-poenja poetra, tetapi tida kenal tenaganja ia-poenja poetri. Kita-poenja soedara-soedara kaoem iboe, di dalem hikajatnja Tiongkok brapa abad kemarihin, melainken djadi sadja satoe antara barang rampasan perang. Tegesnja begitoe Tiongkok kena dikalahken, kita-poenja kaoem ikoet termasak di dalem barang rampasan. Tetaini noda sekarang kita maoe tjoetji. Kita maoe djadi rahajat Tiongkok jang berarti, jang kenal dengen kita poenja tanggoengan dan koeadjiban. Maka soenggoeh saja merasa amat terharoe, tatkala Tiongkok ini kali hadepken bahaja besar, kita-poenja soedara-soe dara kaoem istri dengen soeka sendiri telah tawarken tenaganja, aken berboeat apa sadja jang dirasa penting bagi tanah-aer kita.

Inilah tandanja kita-orang telah mendoesin; dan mendoesinnja kita poenja golongan, bisalah dibilang mendoesinnja Tiongkok 100 %. Mendoesinnja kita-poenja golongan, tida bisa disangkal aken membikin lebih besar soemangetnja kita-poenja soedara-soedara lelaki jang bergoelet oentoek pertahanken kamerdikaännja Tiongkok.

Dengen terangkepnia doea tenaga mendjadi satoe, atawa dengen lain perkataän, kaloe semoea golongan dari tanah-aer kita telah insiaf, kita pertjaja bahoea Tiongkok aken berdiri djedjek. Tiongkok aken bisa berdjoang dengen tenaga lebih besar dan lebih oelet.


Inilah ada boeah dari pendidikan di dalem koetika jang blakangan ini, jang membikin kita-poenja soedara-soedara kaoem istri dapetken poela ia-poenja soemanget doeloe hari, seperti tatkala tanah-aer kita berada di bawah dari dynastie Tang dan Sung. dimana kaoem kita telah dapetken pendidikan militairistisch, hingga pada djaman itoe di Tiongkok telah berdiri barisan-barisan wanita...



DATJIN KOENINGAN

MASKIPOEN BANJAK
LAIN² FABRIKANTEN
INGIN SAINGIN, TOCH
SELALOE DAPET

PREFERENTIE!



Itoe djaman Tiongkok telah sampe di poentjaknja kamoeliahan, ia terindah dan terpandeng di mata doenia.

Maka kaloe sadja kita poenja golongan sekarang dapetken poela ia poenja soemanget sebagimana doeloe hari, saja pertiaja kita poenja tanah aer aken berdiri tegak dan tida bisa dimoesnaken oleh siapa djoega. Dari itoe, soedarasoedara, saja merasa girang sekali dapetken poela tanda-tanda berbangkitnja lagi kita-poenja golongan. Inilah artinja Tiongkok aken berdiri tegak.

Maka lagi sekali saja minta pada kita-poenja golongan kaoem iboe, didiklah kaoe-orang poenja poetri. Ia nanti bakal bantoe angkat deradjat kita, ia bakal mendjadi Tiongkok poenja salah satoe kaki, jang menahan berdirinja kita-poenja tanah-aer. Sebab satoe negri tida meloeloe perloe dengen poetranja, tetapi djoega penting terhadep poetrinja.

Satoe kali bangsa kita telah kliroe, maka itoe kakliroean tida haroes dioelangken boeat kadoea kalinja.

Dalem koetika jang soeker sebagi sekarang ini, kita orang bisa berladjar kenal lebih baik, bahoea tenaganja kaoem poetri ada sama penting nja dengen tenaganja kaoem lelaki."

Begitoelah ada pridato dari Madame Chiang jang kita ambil setjara ringkes sadja, agar tida kliwat pandjang, di dalem bagian jang mengenaken pergerakan.

Madame Chiang ada satoe njonja jang pande bitjara dan berdjam-djam bisa bitjara dengen teges, berapi serta lantjar, maka saben kali ia bitjara, selaloe menarik orang poenja perhatian.

Di lain artikel jang berikoet, saja nanti toetoerken kaoeletannja ini njonja jang amat loear biasa.

Boeat ini boelan kiranja tjoekoep sebagini lebih doeloe. S. I. N.





Datenglah pertama pada: Toko SIAUW BIE KIOK

Djoernatan No. 12 — Semarang. Sedia dengen tjoekoep keperloean boeat njonja-njonja dan toean-toean, SEPERTI:

Minjak wangi, bedak, kemedja, pyama, kaos kaki, dasi, sepatoe dan misih banjak barang lain-lainnja. Kwaliteit baik dan jang paling perloe.

HARGA MELAWAN. SAKSIKANLAH!

DOKTER GIGI NONA

PWEE GIOK KIE

Irisstraat 15 (Hoek Kannalaan) SOERABAJA (moeka Jaarmarkt)

(moeka Jaarmarkt) Telefoon Z. 987

Djam bitjara : $\begin{cases} 8 - 10 \text{ pagi} \\ 4 - 6 \text{ sore} \end{cases}$ Dan menoeroet perdjandjian.

RESTAURANT KIT WAN KIE

Gang Pinggir No 23
Telefoon No. 1977
Semarang.

ADRES

Boeat SOUVENIRS en PERHIASAN jang SANGET INDAH dan MODERN,

JAITOELAH:

JUWELIER "TIO" HORLOGER - JAVANESE - ARTS BODJONG 58 - TELF. 1492 SEMARANG.

Membikin djoega barang2 bermata brilliant dari PLATINA - MAS POETI - MAS dan PERAK, menoeroet model² jang paling baroe.

Het beste adres voor:

MODERNE BATIK

Model Jaarbeurs 1939.

Verkrijgbaar bij:

Batik Handel Mevr. TJOA NGO LIEM 69 Petoedoengan - Semarang. Batikkerij Mevr. S. SLOOTMAN, Pekalongan.



Foto-Atelier 10. HISGIN & Co.

Bodjong 36 - Semarang - Telf. No. 478.

Foto PERNIKAHAN Foto ROMBONGAN Foto ROEMA dan INTERIEUR

Foto PATOENG

DARI U POENIA ANAK-ANAK BOEAT PERI-NGETAN-PERINGETAN JANG SEPERTI IDOEP BOEAT DI TARO DI ATAS MEDJATOELIS,

Get fit and keep fit by sport!

SPORTHANDFL THENG TONG LIEM SEMARANG

for every sport.

RESTAURANT

PIEN TJWAN HIANG

GANG PINGGIR No. 88 - 90 TELEFOON No. 2041 SEMARANG.

Soedah lama terkenal kita poenja masakan TIONGHOA dan OLANDA, harga pantes dengen pelajanan sampe menjenengken.

Silahken wakil-wakil H. C. T. N. H soedi mampir bikin pertjobahan!

Mode-Academie "EVELYN"

Dipimpin oleh Leerares jang berdiploma boeat toentoen moerid sampe bisa djadi Costumière, Coupeuse dan Bloemenlerares. Berhak kasi diploma (Europeesch). Membri djoega Les boeat bikin Corsage dan Vaasbloemen jang artistiek dengen pake tjet. Sedia besar dari roepa-roepa Corsage-bloemen dan Meeldraden. Djoega bisa dapet Bolders.

Memoedjiken dengen hormat. Mevr. H. T. D J I E, Doewet 29 - Semarang.

H. C. T. N. H. CLUBHOTEL

HOTEL PENSION "ASTANA"

Karangtoeri 93 - SEMARANG - Telf. 1876.

Tempat penginepan jang terbesar, bersih dan paling soeroep bagi anggota-anggota H. C. T. N. H.

Sabelonnja dan atawa sahabisnja conferentie bisa mampir di

Plampitan Theater

jaitoe toean-toean poenja tempat mengaso, boeat liat film-film Tiongkok bitjara

KUO JU of KWANTOENG.

Harga tempat 60ct, 40ct dan 25ct.

H. C. T. N. H. Afd. Soerabaja telah PILIH TAN LUXE BUS

BOEAT MARIKA POENJA TRIP: SOERABAIA - BANDOENG V. V.

DAN ITOE PILIHAN TERNJATA TJOTJOK! HATSIL MEMPOEASKEN!

Maka selamanja tanjaklah ketrangan lebi doeloe pada

N. V. TAN LUXE OMNIBUSDIENST

Werfstraat 2. - Soerabaia

Telf. Noord 2761.



Djoeal sapi peresan & Soesoe sapi. Bisa pesen Karne Melk, 1/4 liter 5 cts, Yoghurt 1/4 liter 10 cts, room 1/4 liter 50 cts,

slagroom $\frac{1}{4}$ liter f 1.— dan mertega $\frac{1}{2}$ pond f 0.50.



Adres jang paling betoel boeat Toean poenja kaperloean segala matjem timbangan en oekoeran jang soedah dapet tjap dari negri.

"UNITY"

Doewet 32 - Semarang.

Stationers to the Central Hua Chiao Tsing Nien Hui Semarang.

Firma "OEI DJIE SIEN"

Karrenweg 226, Semarang, Telf. 327 & 643.

Hygiënische volle melk. Goede soorten Java-Rijst. Prima gemalen koffie (Kahwa). Billijke prijzen.

Coulante bediening.

Permanent Wave

zonder electrisch.

Tida berbahaja bagi kasehatan

_____ f 6.50 ____

AMERICAN-SALON

Pekodjan 83 - Semarang.

TAN TAT HIN-STUDIO

Kranggan-west 121 SEMARANG.

Satoe-satoenja Photograaf

Tionghoa pranakan, jang soedah bekend di Semarang. Specialist boeat bikin opnamen di loewarah dan kunst-foto's.



Maoe dapet oentoeny jang setimpal dari Toean poenja oewang? DJANGAN MAIN SPECULATIE!

Belilah roemah-roemah baroe, model paling baroe dan pembikinan modern, di Broemboengan-plein dan Pringgading.


Boekan omong kosong, Toean bisa dapet 10°/, renten dari Toean poenja oewang. Kemoedian beberapa taoen Toean dapet roemah-roemah lagi. Njataken sendiri dan tanjak katerangan pada:

Bouwkundig Aannemer YAP TJIEN BING Karangsari 47 - Semarang - Telefoon 461.

APOTHEEK van GORKOM

PEKODJAN - TELEFOON 1764

boeat segala recept dokter.



BODJONG - TELF. 111 dan 666



FAVORIET

Pasar Besar Wetan 22, Telf. 2200 Z. SOERABAIA.

Amerikaans-systeem besnaring

POEKOELAN dengen toean poenja TENNIS- en BADMINTON RACKETS

tentoe aken memoeasken dan tida mengetjilken hati kaloe itoe semoea ada besnaring dari

SPORTHUIS "FAVORIET" perlajanan menjen**e**ngken

Leveranciers: Slazengers Tennis Rackets Golwing- en Bentley snaren.





Voor een geringe premie draagt KIAN GWAN voor U alle schade tengevolge van brand en velerlei ander





Baroe terbit:

BOEKOE RECEPT TOELEN

boeat bikin
BROOD & BESCHUITBAKKERIJ.

Moeat 446 model recepten boeat bikin roti dan biscuit menoeroet methode dari negrinegri Europa dan Amerika.

Moeat tjonto-tjonto gambar dari atoeran bikinnja dengen gampang.

Harga f 2.85 per postwissel.

BOEKOE HIKAJAT

"BABAD TANAH DJAWA"
20 boekoe tamat f 7.45

BERDAGANG GELDLOTERIJ. Harga: 1/1 lot f 11.—

 $\frac{1}{2}$ lot ,, 5.60 $\frac{1}{4}$ lot ,, 3.— $\frac{1}{10}$ lot ,, 1.25

Lot, pengiriman rembours TIDA di lakoeken.

= Ratoesan kepentingan djadi satoe! = Boekoe PENGATAHOEAN PRACTISCH.

Moeat tjonto soerat-soerat dagang poeloehan matjem, perseroan, lamar gadis, tolak lamaran, trima lamaran enz. Tjonto-tjonto pridato dalem perdjamoean penganten, perkaboengan enz. Tjonto-bikin reclame, advertentie, circulair, enz. Tjonto pleidooi, rekest-rekest, penagian oetang di pengadilan, enz. Oeroesan bank, oeroesan dagang, enz. Ilmoe itoeng soeiphoa, enz. lijst woordenboek dari berbagi-bagi bahasa asing, enz. Minta toeroen padjek, enz., enz.

Segala orang jang tinggal di kota, atawa di tempat djaoeh, atawa di desa-desa perloe sekali poenjaken ini boekoe, soepaia kaloe ada kaperloean jang perhoeboeng dengen soerat-kabar, dengen pengadilan, dengen hal jang menjangkoet pada wet enz. tida oesah bingoeng tjari orang boeat toelis atawa kasih balesan.

Ini boekoe jang maha penting, jang haroes dipoenjaken oleh sasoeatoe soedagar besar atawa ketjil, waroenghouder dan sebaginja lagi.

Kaloe dibandingken sama kapentingannja ini boekoe, dengen harga f 2.25 soenggoe terlaloe moerah.

Djika kirim oewang lebih doeloe, onkost kirim vrij. Kapan rembours tambah f 0.50. Satoe boekoe tebel, didjilid indah.

BOEKHANDEL HO KIM YOE SEMARANG.



TOEAN2 dan NJONJA2

kalo ingin makan

= ICE CREAM ===

jang enak dan moerah, datenglah pada adres terseboet. Boeat pembeli 1 Thermos kita bisa atoer kirim sampe di roemah, dalem kota Semarang.

APOTHEEK "KOO HWIE"

Pekodjan 99

SEMARANG.

Adres jang soedah terkenal

antara publiek di sini.



PERGI TIONGKOK! TENTOE KITA NAEK SAMA J. C. J. L.

AGENTSCHAP:

SEMARANG: WESTERWALSTRAAT 10 - TEL. No. 1745.



Ini Toestel Permanent-Wave (boekan Radio)

Model paling Up to date dari Amerika. Ongkost f 6,—, f 7,50 dan f 12.50. GARANTIE 6 BOELAN.

Harep Njonja² dan Nona² soeka bikin pertjobaän. Ditanggoeng menjenengken. Semoea dikerdjaken oleh Nona-nona Tionghoa.

"LOUISE" Salon de Beauté Miss Hoo Tiong Doewet 38 — Telf. 1126.

MODE ACADEMIE

"ARBEID ADELT"

___ DOEWET 58 - Semarang. ____

NONA² en NJONJA²

Jang ingin bladjar potong² pakean, hareplah tjarik adres jang lama, soeda boekti bikin klaar beriboe moerid² sampe sampoerna. Djangan liat Advertentie, harep boektiken sendirie.

Tarief bersaingan.

De Directrice,

Mevr. J. LAUW.

GRATIS

BOEKOE "PRANG TIONGKOK JAPAN"

(Terhias dengen 200 gambar).

Barang siapa jang beli boekoe-boekoe di bawah in paling sedikitnja sampe seharga f 1,— bisa dapet gratis satoe boekoe "Prang Tiongkok Japan", tjoema ganti ongkos kirimnja f, 0,18, kerna boekoenja besar.

ongkos kirimnja i, 0,10, kerna boekoenja besai.	
Ogtjapan orang tersohor f. 0,85 Akal resia orang lelaki f. 0,23	
Sopan santoen modern , 0.25 Detection Tionghoa , 0.25	
Ilmoe dagang Amerikaan , 0.23 Sam Bien Tjoe Gie , 0.45	
Resia Penghidoepan Manoesia , 0,35 40 pladjaran Kuo Yu , 0,35	
Katja Rasa Ilmoe Batin , , 0,35 Lima pedang wasiat , 0,35	
Vrij ongkos kirim, apabila oeang harganja dikirim doeloe Rembours tamba f. 0,50.	
DODUNAUDEL WANTAD LOCAN'S Ambangan 196 CEMADANO	
BOEKHANDEL "KAMADJOEAN", - Ambengan 126, - SEMARANG.	

THE SIANG LIAT

Tantim 50 - SEMARANG - Telefoon 1690.

LEVERANCIERS:

Botol kosong boeat Fabriek² Bier-Limoenades-Siroop-Soja- en Apotheken. Dan blik-blik kosong boeat Fabriek; Biscuits-Minjak klappa-Petroleum dan blongsong merang en petiekosong d. l. l.



DAM-MIDDEN-JAVA N.V.

Berdjalan pada tiap-tiap hari dengen 50 autobussen, dengen chauffeurs semoewanja boleh di pertjaja dan soeda berpengalaman banjak. Pelajanan menjenengken.



JAM brangkat ditetepkan saben 20 minuut dari Semarang ka Salatiga — Solo — Magelang — dan begitoe sebaliknja.



UTOBUS semoewanja baroe dan radjin. Semarang — Solo pada saben djam berdjalan Sneldienst dan Semarang — Salatiga saben hari ada tiga kali Non-stop-bussen dalem satoe djam sampe Salatiga.

M

ENGIMBANGIN keadahannja djaman, 'ADAM atoer tarief moerah sekali.

Silahken tanjak tarief boewat extrabussen atawa abonn ement.

MEMOEDJIKAN DENGEN HORMAT

N.V. ADAM-MIDDEN-JAVA

HOOFDKANTOOR MALANG TELF. 780
BIJKANTOOR SEMARANG, TELF. 795, — SOLO, TELF. 709, —
SALATIGA, TELF. 30 — AMBARAWA, TELF. 22.